

24072  
=5

18.37

秋左堂集卷六

嘉定孫致彌愷似著

李易宮招集南圃即事

居然鹿柴與欹湖  
賓從風流入畫圖  
下筍魚鮮勞筇  
簪傾杯酒美出壺  
蘆花當遲日爭相  
笑鳥得深林各  
自呼漢上沔南堪  
共隱望衡真許結  
鄰無

南圃雜題

九曲池

清渠環山茨宛似  
武夷曲但少鐵船  
峰倒影春波綠

宛轉橋

弱水限三山  
飈輪莫能度  
賴此小虹蜺  
直到花深處  
含月堂

小堂收野趣  
散髮共疎豁  
林杪露清光  
名花夜含月  
以繡毬花得名  
此花亦名含月

叢桂軒

老樹吹古香  
鼻觀通遠近  
高歌招隱篇  
未應無我分

護筍扉

籜龍有肖子  
未茁土先罅  
寄語渭川人  
斤斧直須赦

嘯傲軒

陶公薄塵纓  
幽興寄籬菊  
吾亦澹宕人  
脫巾酒共漉

梅塢

花開百廿株  
香來不知處  
寒酸孤山人  
只有三十樹

柿園

主人重秋實  
七絕乃其冠  
把觥待迎霜  
來賞頰虬卵  
彤右甥從余  
京師患難相  
救曲盡心力  
其歸也葺其  
讀書之室顏  
曰繫槎賦詩  
以見意余亦  
有感而和之

萍共漂零葉共輕風波終日飽經行雖無飛渡帆檣  
力也免中流篙櫓橫處處含沙羞短蜮時時鼓浪避  
長鯨算來只合溪灣泊休羨遷喬柳谷鶯

其二

繫纜春波拍岸平回思塵劫喜還驚曾偕貫月經天  
上慣聽流雲作水聲拜罷浪婆隨地宿占來颶母逆  
風爭祇愁博望分龍節鑿空重教奉使行

書感疊前韻

何處衣魚更食鷗夢尋懸股路悠悠香醪見奪嗤蛇

足妙画能仙笑虎頭莫問兒童成項領頗哀老子得  
遨遊太真穢雜君休訝此是江東第二流

懸股之國衣魚食鷗

其二

五十平頭有二年健如黃犢變華顛也曾夢鹿蕉空  
覆誰遣求魚木枉緣丹鼎鑄金無藥試藍田餐玉有  
方傳何當却少成青髻若箇心誠肯見憐

古語云心誠憐白髮

立

送泉民入秦

酒坐歌臺置驛頻玳簪珠履逐時新黃金散盡名園

廢患難相從見幾人

其二

迢迢吳苑望秦關別後相思夢不閒憑向王刁仙窟

裏爲吾求藥駐童顏

華山王刁洞馬先生與先祖友善臨別有與公子孫異日相見

約之

夏日集大年仍貽堂同漢瞻追和文待詔壽白

村公詩原韻爲贈兼示說舟準樹秉衡聲虞賡

百壽承諸弟姪

招尋夏淺勝春韶五世淵源祖澤遙魯殿獨存兵火

後秦松不受雪霜凋弓裘似續仍千卷堂構艱難閱  
兩朝三筆六詩同積玉瓊瑤可許報投桃

不老華酒歌爲吳茂舍壽

延陵君子今真儒逃名翫世壺公壺平生嗜華兼嗜  
酒以華爲酒誠良圖侯髯得之分餉我不異金醴斟  
仙厨延年直可比沆瀣却病豈獨如麩麻一酌使我  
宿醒醒再酌使我病骨蘇便疑皺面復光澤頰白已  
改鬢鬢鬢譬若地黄飼老馬重教騰躍爲兒駒異哉  
此花號不老名實乃爾真相符若非神仙親降受誰

辨上藥埋榛蕪吾聞燭夜開嵩岳花中有酒如醍醐  
又見醉頭化椰子至今漿滿如瓠膚此皆生成托造  
化天地好酒良非誣往劫修羅燒帝釋欲釀海水爲  
芳醪採揉雜花投溟滓香紅豔白同糟舖就中應未  
識此種空令烏鹵成鹽豔神通雖具仙骨少安得快  
飲如君乎請君得花多釀酒酒熟漉取相歌呼淮南  
八公皆百歲化爲童子仍須臾況今七十若二十未  
孩者心健者軀何當更擇社日釀卷荷葉免長函胡  
君言重聽頗有益不入耳語何關吾達哉此中有妙

理列仙之儒真酒徒我託重表年孔禰以弟畜我如  
灌夫花晨月夕共勝引酒國熙皞過黃虞健若黃犢  
醒復醉不用靈壽桃枝扶兄酬弟勸甕間睡笑聽好  
鳥提壺盧

次韻酬玉友兼寄安士悔人崑繩禹平寅谷夏  
重叔毅冠文東發若華

幾賦懷沙向汨羅休論倚伏竟如何頭須白去生無  
用要領全來幸已多重把深杯疑好夢快吟佳句洗  
煩痾非君筮予招魂魄誰問幽篁帶女蘿

其二

丹雞要約歲寒時車笠心期兩自知人命屢驚朝露

促后張越江世情更比夏雲奇誰能咄咄如殷浩自

笑嘍嘍類牧皮欲張吾軍唯數子高飛早借上林枝

聽鶯書屋即事兼寄東臯地故戴顓宅旁有禁

禪於此厭蛙鳴以朱點其吻

望齊門畔叩禪扃画裏層樓俯鶴汀蛙受高僧緘口

戒鶯留處士砭腸聽壺中頻促蓮花漏窗下閒披貝

葉經細路如絲深竹外碧雲空憶小車停

贈顧辛峰

平生苦愛二癡詩曾記詩中說項斯却住江村秋水

外來游山寺月明時愁吟未許分青鏤隱語多慙比

色絲珍重神交餘廿載誰云傾蓋是新知馮先生班

君題余未申集云蠶吐五采雙雙玉童

題寓壁二首選一

武止總是繁華地山北偏宜著病翁儘有煙雲供眼

底更無硯礪在胸中錢刀似葉經秋雨賓從如鴉散

曉風別定課程消寂莫推敲新句賦留窮

小游仙廿首

選四

六一泥飛九轉煙  
伐毛洗髓不知年  
非緣上界多官府  
始向人間作地仙

其二

秘簡靈詮子細論  
窮探月窟闢天根  
王郎注易良辛苦  
博得青衣守洞門

其三

冠切浮雲袂剪霞  
閒騎白鳳過仙家  
問他借個新茗帚  
要向天壇掃落花

其四

結得正棲谷飲緣  
石牀孤擁白雲眠  
夢棺夢穢都無味  
家在清微小洞天

感

周還梅虞部邀恩  
南歸遇於虎正置  
酒相賀有感  
花前霜鬢各飛蓬  
把臂悲歡似夢中  
銜索枯魚離鼎鑊  
凌霄老鶴出樊籠  
枕邊乍醒騎驢客  
塞上真成失馬翁  
不是君恩深似海  
秋山那許一樽同

十月望九峰招同  
賁園墨鳴賓三看  
玉茗花集



山塘酒樓

冬淺尚疑秋嘯侶及休暇花擬唐昌春月似臨臯夜  
蕭閒水上樓煩君徵酒炙促坐皆素心歌吹雜號嘖  
但恐杯行遲漸見參旗亞憑闌夜色奇倒影波光射  
尊傾拚典衣燭跋屢燒樺引滿起為壽膝席不容謝  
酒國我分封詩壇君定霸彼哉復何人空以腐鼠嚇  
歸臥碧雲寮帽頭醉忘卸

題挾彈圖

挾彈春風駿馬馳莫教錯認五陵兒箇中參取新詩

格正是王筠脫手時

北固晚眺

搔首危亭送夕陽客懷如水正茫茫英雄事去江山  
在書畫名留海岳荒煙火自南環雉堞風濤直北亂  
帆檣金焦頗引清游興咫尺愁無一葦航

獨酌

蕭蕭木葉走僧廊一盞香醪破悶嘗遠道短書勞悵  
望比鄰長笛喚淒涼閒愁易亂如衰草好客難留似  
夕陽只有寒蟾非世態照人沉醉到空牀

患難之後跼伏山野不與人事耿延平來云都  
門有傳余歿於楚游者月日甚具師友莫不悲  
悼賦此寄慰兼以志感

匿影山隅又海濱賦傳鵬鳥竟何因難酬祝予師恩  
重多愧招魂友誼真同死南豐訛遠信更生中壘只  
前身饑寒贏得添強健却望京華淚滿巾

生朝述懷戲用東坡詩為起句

白髮蒼顏五十三今年真不負江南窺人新月絃初  
上索笑寒梅蕊尚含纖手玉盤過送菜星橋火樹待

傳柑明朝便有春光到準備青鞵次第探

余以正月九日生今

歲以十日立春

其二

白髮蒼顏五十三三年海岸早投簪敢從鬥氏希無  
愠自信嵇生本不堪結伴最宜游退谷干時幸免達  
空函玉堂天上渾如夢莫與癡人子細談

中二聯一作敢將頑

頓希無愠自信疎慵本不堪好共雲卿游退谷恥如殷浩達空函

其三

白髮蒼顏五十三行吟容易向江潭觸蠻戰處身親

歷蛇犬圍中境飽諳家計無聊憑弋釣 國恩難忘  
夢朝參餘生底事關懷抱多少人曾解左驂

其四

白髮蒼顏五十三 君師恩重轉增慙未離蔬屨先  
承寵偶備葠苓亦濫參雨露尚思蘇朽木泥塗終自  
念著簪臣之壯也猶難報况復衰遲漸不堪

其五

白髮蒼顏五十三壯游歷歷夢中諳驪江手捧鸞  
書過子嘗奉使朝鮮閩海身將虎穴探恢復廈門海澄之役予在軍中總督姚公

欲題敘子力辭之

大布衣真慙 異數半英雄只付空談欠

伸推却邯鄲枕穩臥屠蘇舊草庵

孫思邈居名屠蘇庵

其六

白髮蒼顏五十三免教澗愧與林慙靜聽釀蜜蜂衙  
鬧笑看爭羶蟻戰酣號四宜休安我分

宋孫昉號四休居士立

三不朽讓人談艾歸况有同心約自熹岩棲野性堪

石門吳青壇侍御嘗相期年至五十便當解組築艾歸之堂以娛老侍御未及艾而歸予則適當其時

其七

白髮蒼顏五十三班荆相慰愧朋簪蓬生幸得因麻

直水淡從知勝醴甘同調素兄兼灌弟比鄰周北與  
張南素絲撲滿勞頻寄剩把歸田錄共談

其八

白髮蒼顏五十三殘編時發枕中函書淫自愧非劉  
峻傳癖人還比鎮南枉祭長恩鑽故紙不成脉望笑  
枯蟬料無餘事堪驅使只有伊唔秉燭堪

其九

白髮蒼顏五十三吾衰甚矣興猶慙有明月即連宵  
坐遇好花須冒雨探吳體俳諧聊撥悶村醪斟酌也

成酣少年豪氣消磨盡休拂塵封舊劔鐔

其十

白髮蒼顏五十三任將倡樂議桓譚銀泥勘譜偷聲  
度玉手藏闌對局探花下採珠還拾翠酒邊墮珥雜  
遺簪逢場便作天魔舞竿木隨身且放叅

其十一

白髮蒼顏五十三關心幽事老尤耽種魚經就溪翁  
乞鑿樹方留野客談退筆叢殘分作冢異書鈔撮合  
成函間中自懺多生業已斷嗔痴未免貪

其十二

白髮蒼顏五十三勞臣舊第俯澄潭

先中丞當明思宗時嘗蒙勞臣

之褒舊額猶存

千尋綠暗雞栖樹十笏清幽燕子龕椎髻尚

留提甕婦蓬頭却笑卷書男壘鹽別有團圞話便算

人生蔗境甘

過彥方丈瑞年各出酒共飲花下同大年戩宜

冰揆宗子

是日就彥方壽藏席地縱飲故有六句

春林初聽鳥相求最愛鄰園水竹幽雙屐乍移來舍  
北一尊還喜過牆頭花如和靖亭邊好人向王官嶺

裏游爛醉共眠芳草地不知何處著閒愁

婁江舟中

織女祠邊江岸迴蒲帆恰受午潮催小桃花放笑春  
晚新燕子飛衝雨來身老未輸黃犢健心閒猶恐白  
鷗猜此生久作虛舟觀一任旁人挽復推

湖上雜題次沈恪庭韻

重向蘇堤貫老春画中風景夢中身青鞋布襪來同  
調山色湖光是故人醉眼易迷黃葉亂機心久息白  
鷗馴抱琴坐愛高樓晚十二橋西月又新

其二

結伴遨游每戴星南屏踏徧又西泠銷金剩說前朝  
水飲綠難尋舊日亭見石湖集霜後柳如眠未起雨中山  
似醉初醒浮生擬向湖邊老新買煙蓑別樣青

寒曉書感

衾鐵稜稜近五更霜華偏射破窗明蝸粘塵壁留蟲  
篆鳥下寒汀作鬼聲梳酒竟無通夜力綈袍徒有故  
人情何梅莊為予製衣重溫三十年前夢卮角曾煩節使迎

予幼時曾謁佟  
漚白先生於此

和來譽庭陰小憩次原韻

能於執熱得清涼坊陌何妨近正陽肥馬空教塵灑  
洞幽花不逐絮顛狂響泉琴挂朱絃靜騎火茶分紫  
筍香多少勞勞冠蓋客機心到此一時忘

其二

簾波不動簟紋涼散帙分題送夕陽自向閒窗耽傳  
癖任他熱客笑詩狂留人缸泛中山酒辟蠹書熏外  
國香剩欲從君溫舊學師丹無那老多忘

其三

故鄉水竹好追涼應悔衝塵走洛陽齊贅滑稽空自  
笑楚歌郢曲爲誰狂分龍雨過楊梅到舶趕風來菡  
萏香料得清宵歸夢數黃姑灣裏路難忘

其四

欸段過從及早涼冰壺相映失秋陽君偏念我貧非  
病誰復容人老更狂幽砌雨添書草碧矮屏風遞墨  
花香客愁難倩萱蘇遣每到高齋得暫忘

畢爾榮生日餉以尊酒戲柬

貫得鄰家下箸堙爲君揚解祝長庚英雄方肯安貧

賤邊塞初聞洗甲兵過節寒花千蕊綻隔宵新月一  
鉤生濁醪妙理無人會且共陶然醉太平

元朗招同漢瞻顓木友鹿德尹赤杼大臨蕉飲  
亮功拱樞揚孫爲消寒之集分賦得北酒

昔我初游燕南酒價方長泥封開一甕白金逾一兩  
利在衆所趨販者日浩穰以茲貴反賤北酒乃見賞  
謂言南酒釀不若北酒爽尋常杯鐺間遂有甘陵黨  
吾本顛直人不作分別想今來值窮冬禦寒缺鶴氅  
流涎過酒家瓶罌壓車輞滄房淩易薊青帘互標榜

入市命便了數錢不盈緇鴟夷何滑稽實歸愜虛往  
温以楫拙爐細作松風響匏尊縱鯨吸意氣得豪上  
融如陽和迴春光播駘蕩快如倩鳥爪把背失悶癢  
風力利於刀雪花大若掌賴此軟飽餘寒威失其強  
乃知北酒力足敵執燧象吾爲策酒勛欲與盟息壤  
南北雖異宜猶魯與邢蔣或重性情醇或矜氣倜儻  
合之則雙美雪堂法可放便須作義尊傾注同一盞  
水火息分爭尋尺忘直枉拍浮了殘年陶然醉鄉廣  
詠冰豆腐同東田君山分得覓字

豆腐日用需措大性所癖或云鴻寶術神丹寄液瀝  
因之遭三劫冰雪坐凌轢遂使柔潤姿堅剛若瓊甌  
沸釜賜湯沐乃得奏刀砉蜂房紛嵌空敗絮糝羃歷  
肥醲及鹽豉調和視所適能令老饕夢兩杖痛自擊  
吾思寒威嚴萬彙莫與敵瓶罌壘且岐頑礦磷以泐  
區區煮豆餘能不敗乃績孰知因其敗反獲薦鼎鬲  
吾如遭凍蠅又若退風鴟釜中欲生魚舍爾無可喫  
看囊餘一錢倍之即易覓願爲淡若交歲寒共岑寂

題曹希文我與我周旋圖



不辨陶公形影神丹青遊戲與分身情知嗜古耽風  
雅世上元無第二人

其二

月下醉醒三太白水  
中聚散百東坡拍肩把袂相隨  
去如此良朋一個多

寓長安胡將軍宅堂甚軒敞獨不宜於冬澄溪  
假余布幕施於右偏以爲臥室自題簾旌

吾生若楊花托根不著土爲萍逐水流何異因風舞  
水或遇坎停即是萍住所瑣碎等魚鱗根荻亂絲縷

因依蘊藻間欣欣慶安處所居諒匪久苟且亦無取  
旣適坐臥便敢憚經營苦緬懷郭有道驅車過逆旅  
信宿必掃除吾亦猶行古

其二

一昨解鞍馱三伏炎蒸時稱意得小堂薤簟當軒施  
前除交綠陰北牖來涼颼流光疾如矢明月四五虧  
向來所欣快淒清異時宜好友同飢寒貽我大布帷  
周防拒朔吹南榮納朝曦盎然病骨蘇不假求秦豎  
因之感移奪三復羽扇辭

其三

匹布聯若帆橫截界空濶明堂左个開漢土三分割  
其外羅客牀其中即閨闈近窗安棊几就地燃楮杻  
寒消酒盞深煖逼硯池活垂簾當閉關塵務資式過  
有如坏戶蟲又類蠹木蝎既以靜見聞且欲事鈔撮  
幸恕老夫慵無為苦相聒

車中連日遇雪即事用蘇韻

誰將綵仗鬪穠纖玉節珠幢隊仗嚴穆滿築臺元是  
壁修羅釀酒却成鹽先春早見花飄樹亭午翻驚月

照檐小草似知生意動燒痕黑處強抽尖

是日方  
迎春

其二

平鋪岐路失三鴉不用重迴阮籍車怒馬踏開盈尺  
玉飢禽啄散滿林花茶爐豪讓將軍帳飯甕歡騰野  
老家自笑灞橋詩思短眼看飄瞥手頻叉

其三

隨風度隙白纖纖却恨羶帷裏未嚴入耳有聲非是  
雨到頭無味不如鹽紛紛漸欲封車戶片片時來撲  
帽檐轅下一駒增局促低垂唯露耳雙尖

其四

隊隊畦東種麥鴉凍僵那復避行車且將農事占三  
白空記朝衣點六花海上餐壇曾奉使春來饋面莫  
思家只看玉戲縱橫甚應識天門少夜叉

其五

剪水裁冰恨太纖身輕無那朔風嚴似敲蝶板頻飄  
粉欲引羊車競灑鹽宿莽凍深埋麥隴修篁壓重亞  
茅檐南山比我頭先白不放青螺透遠尖

其六

如櫓輪聲軋復鴉翻疑放艇忘乘車雖無道韞同吟  
絮却有毘耶與散花銀色界中尋客路鏡光天外見

人家竹弓彈粉誰能解寫作新圖挂画叉

王叔明画  
岱宗密雪

圖以竹弓  
彈粉爲之

其七

迴風態學舞腰纖却惹寒威分外嚴馬倦懶歎皇澤  
玉車遲疑負太行鹽歸鴻欲下迷平陸凍雀難飛聚  
矮檐幸有蜀薑堪煖老芳辛縷切淺紅尖

其八

九轉丹成翥白鴉  
繽紛偏傍旅人車  
飄來玉刻霜林  
葉落處銀飛火樹  
花梁苑簡空懷往事  
剡溪舟欲訪  
誰家羨他猥騎凌風去  
霹靂弓聲試兔叉

其九

曉來霜淞落輕纖  
風力如刀未解嚴  
望去林塘皆曳  
帛裝成牙爪即形鹽  
銀泥漸軟開車轍  
冰柱爭垂滿  
屋檐經凍褚蘿添  
瑟瑟縮敝貂孤擁面逾尖

其十

同雲解駁湧金鴉  
滕六終須避日車  
漸許松迴霜後

翠遙憐梅試臘  
前花幾人能念袁安臥  
昨夜誰臨趙  
普家苦憶江鄉春水活  
便拋馬策挺魚叉

新春復雪再疊韻

鵝管輕明鳥毳纖  
未消積素凍逾嚴  
方圓任地成珪  
璧細碎疑天耐米鹽  
浪說春光迴舊臘  
尚遲晴旭照  
前檐欲憑金剪催  
花發多恐寒侵玉指尖

其二

寒光未曉射檐牙  
似妬尋春繡幃車  
豈有星榆還落  
葉忽看霜樹又生花  
吟成白戰傳詩老  
價長青錢負

酒家縱是北風圖画好莫教重展玉鴉叉

其三

為愛飛雲密復纖  
寒帷不避朔風嚴  
水非天上皆銀漢  
山豈巴東盡白鹽  
積徧平疇難覓路  
埋將矮屋漸齊檐  
寒光遙映千林表  
玉砌浮圖百尺尖

其四

琤琮凌澤響衝牙  
白鳳氍毹引素車  
不信有人皆傳粉  
最憐無樹只飄花  
火中銀鋌仙娥術  
月下瑤臺阿母家  
何似寒威消一醉  
瓊林深處酒旗叉

庭中秋花四絕句

抹麗聞蘭索價昂  
愛花空切笑空囊  
玉簪不用多錢買  
也得書窗夜夜香

其二

水萍解結三秋穗  
木槿唯矜一日榮  
慣向江鄉籬落見  
長安花市買人爭

其三

牆陰珠露濕嬌紅  
態比春林更不同  
葉似衣裳花似面  
可宜相對白頭公

其四

瓦盆月季久離披  
勉強開時一兩枝  
恰似松坪老居士  
篋條猶吐苦吟詩

題余鴻客香奩詩

長年木落少心情  
廿首詩中百感生  
但見才人嫁厮養  
幾逢名士悅傾城  
口銜石闕元難語  
夢託蘅蕪竟未成  
剩欲題襟題不得  
一篇篇是斷腸聲

移居古藤書屋和雲岡原韻

一枝許寄即吾廬  
莫笑生涯瑣蛭如  
堂駐翠華傳

太傅楣留銀榜憶  
尚書劇憐晨夕來  
同調免向江湖念  
索居暫得倦游相  
慰藉已愁清福暗  
消除

其二

儵來老屋等蘧廬  
便覺寬閒廣廈如  
隙地待添新種藥  
明窗好勘舊修書  
未論公瑾能推宅  
已勝湘纍賦卜居  
看取小春霜月下  
龍蛇交影動前除

其三

吾亦辛勤得此廬  
雲龍君便孟郊如  
聯詩詰屈爭疆韻  
隸事紛綸檢僻書  
朝市敢希稱大隱  
春秋莫漫感

閒居呼童且縛茗華帚一室低頭共掃除

其四

昨夢微茫記直廬誰憐消渴老相如曳裾依舊長爲  
客珥筆惟愁不中書甘向縹緗成脉望敢期鐘鼓樂  
爰居戲拈印史占佳讖第一先教痰疾除

其五

醜舫先生此結廬忘年念我弟兄如尋詩歸晚常連  
榻載酒來頻許借書春渚桃花牽遠夢秋風蕤菜悵  
離居當時醉態誰能記剩有青藤架未除

其六

何必南山歸敝廬閒門新闢故園如坐迎暖日冰消  
研行想濃陰綠映書欵戶每停高士駕閉關真作野  
人居地爐火活朋尊滿且共陶然樂歲除

題王阮亭先生琴嘯圖

閒吟輞川詩結想輞川境先生坐悠然心跡兩幽夤  
橫琴罷揮絃長嘯蘇門更希聲徽軫外餘響鼓吹競  
修篁交好風檀欒孤月映是中足逍遙幾忘事朝請  
誰知巖廊間自愜煙霞性披圖一神往頓覺心地淨

論詩陪夜直遠謝襄陽孟庶附崔裴徒從游和高詠

南邨五十

少日同將遠大期君年稱艾我稱耆斯人不信垂垂  
老往事何堪細細追江左才名原獨秀漢廷經術有  
專師於今却笑無嚴助忍見稽山拜守遲

同園雅集分賦金雀花

卑叢何青蔥春來吐黃萼翩翩具翅尾但未飛且躍  
何年美人釵尋芳罥林薄采采將誰遺持飼報恩雀  
次韻送雲岡兼寄霖說用舟及羣從諸昆弟

因依半載共蝸廬蛩駟相須尚未如忍向短亭斟別  
酒愁看行笈裹殘書曲高人盡難爲和米貴吾方不  
易居離緒直同春草亂憑誰鴉嘴爲芟除

其二

歡笑都忘在客廬解憂賴爾杜康如每因衝席常聯  
轡曾爲移家共載書琴愛落霞彈正息賦傳雌霓賞  
郊居右軍別後興公嬾不向蘭亭更祓除

其三

愛爾城南修竹廬菩提雙樹畫難如紅牙慣向花間



聽粉壁猶留醉後書  
輞水倡訓無俗客  
陸家兄弟本同居  
懸知華萼清歡夜  
只有停雲感未除

其四

難兄高臥舊林廬  
殉友忘身古孰如  
可但交情空紵縞  
直將道力驗詩書  
相期鳥亦為同命  
却笑蟲惟愛寄居  
傳語慰君還自慰  
十年黨禁已全除

其五

門巷爭誇五鳳廬  
烏衣馬糞古今如  
百年科目傳家學  
兩代絲綸拜賜書  
箕尾忽歸悲國老  
煙霞莫久

戀山居金刀世業期  
重振好共鳴珂上玉除

其六

誰能久不念田廬  
匹馬春風未得如  
迢遞空勞牽旅夢  
平安憑為寄家書  
老拋鄉里同周甲  
貧剩僮奴共儻居  
早晚麤完鉛槧事  
歸帆相訪勝銓除

四月十二日赴 暢春苑散館 御試恭紀兼

呈新舊館師

御苑風薰晝漏長  
相將橐筆柳衙旁  
枯株再被陽春澤  
老女重為時世妝  
劉井柯亭多故事  
殷兄張丈少

同行館中同年三人長九重欲賞凌雲賦曾有何

人夢衣黃

其二

分班宣喚閣門開引對延英又一回得仰 醉容瞻

日近頻傳 温旨自天來引見時蒙 皇上諭館師云某學問最好又諭中堂

曰某肯讀書人所難及書生却愧真非分 明主何曾棄不才

二十六年 恩未報鬢雖成雪敢心灰受知 聖明已二十六年

題陸開倩槎溪藝菊圖次西陂竹垞二公韻開

嘗以好義與予同難

傅延年可制頽齡養志深心見過庭歲種寒香三十

陵劉蒙譜當竟陵經

其二

辛勤穀雨分秧遠繹絡重陽載酒來在莒願君心莫

忘山塘五月見花開辛未年始見夏菊

題杜紫綸花雨填詞圖次原韻画小山落花人獨立微雨燕雙

飛詞意

銀泥勘譜付華奴元微之詩浙顧曲風流入畫圖莫

倚白衣卿相貴早來金榜聽勾臚

其二

減字偷聲子細知蓮鴻唳唱補亡詞小山昨夢分明  
在羅扇蠅頭濺酒時

其三

簾波詠徧帝城春結習雖除綺語新今日妝樓絲雨  
外不妨添箇散花人

君新獲麗人即春初為賦簾波詩者也

三月詠殘杏和丹思堦韻

柳眼初窺蠟蒂新

温飛卿詩融蠟作杏蒂

無端輕逐馬蹄塵喚

回博士歸來夢

柯丹正為博士時虞集作風入松詞寄之有報道先生歸也杏花春雨江

南減却尚書句裏春

宋子京以紅杏枝頭春意鬧得名時號紅杏尚書

漸落

偏沾聞喜酒半飄還比卸妝人天公別有催花鼓判

斷何曾愛笑嚬

杖左堂集卷六

後學金惟駢叔良

校

外孫程宗傳說巖

國



